



საჯარო სამართლის იურიდიული პირი-

განათლების ხარისხის განვითარების
ეროვნული ცენტრის დირექტორის
ბრძანება № 109

14 02 2017 წ.

ქ. თბილისი

საჯარო სამართლის იურიდიულ პირ - განათლების ხარისხის განვითარების ეროვნულ ცენტრისა და გაეროს განვითარების პროგრამას შორის 2016 წლის 20 ივნისს ხელმოწერილი სტანდარტული შეთანხმების წერილით გათვალისწინებული პროექტის - „საქართველოში სოფლის მეურნეობასთან დაკავშირებული სისტემების გაფართოება და პროფესიული განათლების მოდერნიზაცია“ - პირველი კომპონენტის (ზოგადი განათლების კომპონენტის ინტეგრაცია პროფესიულ განათლებაში) ფარგლებში ზოგადი განათლების ექსპერტის (მეცნიერება და ტექნოლოგიები - ქიმია, მოქალაქეობა, მეცნიერება) თანამდებობაზე, ასევე, მე-5 კომპონენტის (1-2 დანის მოდულის პილოტირება პროფესიული ორგანუაციისთვის სოფლის მეურნეობის მოსამახადებელ კურსებში და სხვა სახელობო სფეროებში) ფარგლებში დარგობრივი ექსპერტის (კონდიტერის), მონიტორინგისა და შეფასების ექსპერტის შერჩევის მიზნით კონკურსის გამოცხადების შესახებ

საჯარო სამართლის იურიდიული პირის - განათლების ხარისხის განვითარების ეროვნული ცენტრის (შემდგომში - ცენტრი) 2017 წლის 10 თებერვლის №125656 სამსახურებრივი გარათის გათვალისწინებით, საქართველოს განათლებისა და მეცნიერების მინისტრის 2010 წლის 14 სექტემბრის №89/ნ ბრძანებით დამტკიცებული „საჯარო სამართლის იურიდიული პირის - განათლების ხარისხის განვითარების ეროვნული ცენტრის დებულების“ მე-5 მუხლის პირველი პუნქტის „კ“ და „ნ“ ქვეპუნქტების საფუძველზე,

ვ ბრძან ებ:

1. 2017 წლის 14 თებერვლიდან 2017 წლის 19 თებერვლის ჩათვლით, გამოცხადდეს კონკურსი ცენტრისა და გაეროს განვითარების პროგრამას შორის 2016 წლის 20 ივნისს ხელმოწერილი სტანდარტული შეთანხმების წერილით გათვალისწინებული პროექტის (შემდგომში - პროექტი) - „საქართველოში სოფლის მეურნეობასთან დაკავშირებული სისტემების გაფართოება და პროფესიული განათლების მოდერნიზაცია“ - ფარგლებში, შემდეგ თანამდებობებზე:

- 1.1. პირველი კომპონენტის - (ზოგადი განათლების კომპონენტის ინტეგრაცია პროფესიულ განათლებაში) - ფარგლებში ზოგადი განათლების ექსპერტის თანამდებობაზე შემდეგი მიმართულებებით:
- ა) ზოგადი განათლების ექსპერტი (მეცნიერება და ტექნოლოგიები - ქიმია), ადგილების რაოდენობა 1;
 - ბ) ზოგადი განათლების ექსპერტი (მოქალაქეობა), ადგილების რაოდენობა 1;
 - გ) ზოგადი განათლების ექსპერტი (მეცნიერება), ადგილების რაოდენობა 1.

1.2. ზოგადი განათლების ექსპერტის თანამდებობის მიმართ დადგინდეს შემდეგი საკვალიფიკაციო მოთხოვნები:

ა) აკადემიური უმაღლესი განათლება - მაგისტრის/მაგისტრთან გათანაბრებულის აკადემიური ხარისხი;

ბ) ეროვნულ სასწავლო გეგმებზე მუშაობის გამოცდილება;

გ) ინტეგრირებულ მოდულებზე მუშაობის გამოცდილება;

დ) საგნობრივ გზამკვლევებზე მუშაობის გამოცდილება.

1.3. ზოგადი განათლების ექსპერტის მიერ შესასრულებელი სამუშაოს აღწერა:

ა) შესაბამისი მიმართულების მასწავლებლის გზამკვლევის საპილოტე ვერსიის შემუშავება;

ბ) მონიტორინგისა და მხარდაჭერის ჯგუფის მუშაობაში მონაწილეობა.

1.4. კონკურსის შედეგად, ზოგადი განათლების ექსპერტის (მეცნიერება და ტექნოლოგიები - ქიმია, მოქალაქეობა, მეწარმეობა) თანამდებობაზე შერჩეულ პირთან გაფორმდეს შრომითი ხელშეკრულება ცენტრის დირექტორის მიერ გადაწყვეტილების მიღებიდან 2017 წლის 10 აგვისტოს ჩათვლით წარმოშობილ შრომით ურთიერთობებზე. ამ ვადის განმავლობაში ზოგადი განათლების ექსპერტის (მეცნიერება და ტექნოლოგიები - ქიმია, მოქალაქეობა, მეწარმეობა) მიერ შესასრულებელი სამუშაო მოიცავს 3 ეტაპს, თითოეულ ეტაპზე შრომის ანაზღაურება განისაზღვროს 1875 ლარის ოდენობით, საქართველოს კანონმდებლობით დადაგენილი გადასახადების გათვალისწინებით.

2. მე-5 კომპონენტის (1-2 დონის მოდულის პილოტირება პროფესიული ორიენტაციისთვის სოფლის მეურნეობის მოსამზადებელ კურსებში და სხვა სახელობო სფეროებში) ფარგლებში მონიტორინგისა და შეფასების ექსპერტის თანამდებობაზე და ამ თანამდებობის მიმართ დადგინდეს შემდეგი საკვალიფიკაციო მოთხოვნები:

ა) აკადემიური უმაღლესი განათლება - ბაკალავრის აკადემიური ხარისხი სოციალური მეცნიერებების მიმართულებით;

ბ) რაოდენობრივი და თვისებრივი კვლევის ჩატარების გამოცდილება;

გ) ინფორმაციის სტატისტიკური დამუშავების გამოცდილება;

დ) კვლევითი ანგარიშების მომზადების გამოცდილება.

2.1. მონიტორინგისა და შეფასების ექსპერტის მიერ შესასრულებელი სამუშაოს აღწერა:

ა) კურსთან დაკავშირებული მოლოდინებისა და განწყობების შესწავლა და პროგრამამდელი მონაცემების შეგროვება;

ბ) საორიენტაციო და მოსამზადებელ კურსზე დაკვირვება და პროცესის მიმდინარეობის შესახებ კვლევითი მონაცემების შეგროვება, დაკვირების შედეგად გამოკვეთილი დასაზუსტებელი საკითხების შესახებ მასწავლებლებისა და სხვა ჩართული პირების ინტერვიუირება;

გ) საორიენტაციო და მოსამზადებელი კურსის დასრულების შემდეგ, პროგრამამდელი მონაცემების შედარება პროგრამის შემდგომ მონაცემებთან;

დ) ფოკუს ჯგუფების და/ან ინტერვიუების ჩატარება საორიენტაციო და მოსამზადებელი კურსის ფარგლებში ჩართულ მხარეებთან (მშობლები, მოსწავლეები, პროფესიული სასწავლებლების ადმინისტრაცია, პედაგოგები);

ე) შეგროვებული მასალის ანალიზსა და ანგარიშის მომზადებაში მონაწილეობა.

2.2. მონიტორინგისა და შეფასების ექსპერტის თანამდებობაზე კონკურსი გამოცხადდეს 1 ადგილზე.

2.3. კონკურსის შედეგად, მონიტორინგისა და შეფასების ექსპერტის თანამდებობაზე შერჩეულ პირთან გაფორმდეს შრომითი ხელშეკრულება ცენტრის დირექტორის მიერ გადაწყვეტილების მიღებიდან 2017 წლის 31 ივლისის ჩათვლით წარმოშობილ შრომით ურთიერთობებზე. ამ ვადის განმავლობაში მონიტორინგისა და შეფასების ექსპერტის მიერ შესასრულებელი სამუშაო მოიცავს 3 ეტაპს, თითოეულ ეტაპზე შრომის ანაზღაურება განისაზღვროს 1250 ლარის ოდენობით.

3. დარგობრივი ექსპერტის (კონდიტერის მიმართულებით) თანამდებობაზე და ამ თანამდებობის მიმართ დადგინდეს შემდეგი საკვალიფიკაციო მოთხოვნები:

- ა) დარგის შესაბამისი კომპეტენციების არსებობა;
- ბ) პროფესიული პროგრამების / მოდულების შექმნის გამოცდილება;
- გ) მეთოდოლოგიურ სახელმძღვანელოებზე მუშაობის გამოცდილება;
- დ) ქართულ ენაზე წერისა და მეტყველების კარგი უნარები.

3.1. დარგობრივი ექსპერტის (კონდიტერის მიმართულებით) მიერ შესასრულებელი სამუშაოს აღწერა:

- ა) მოდულების შექმნა შერჩეული კომპეტენციებისათვის;
- ბ) ზოგადსაგანმანათლებლო დაწესებულებების საბაზო და საშუალო საფეხურების მოსწავლეთა საორიენტაციო და მოსამზადებელი კურსების ორგანიზებისათვის ადაპტირებული მოდულების შექმნა;
- გ) მასწავლებელთა გზამკვლევების შექმნა და ინტეგრირება მოდულში;
- დ) საორიენტაციო და მოსამზადებელი კურსის ორგანიზებისათვის პრაქტიკული რეკომენდაციების მომზადება თითოეულ სასწავლო შედეგთან მიმართებაში დარგის სპეციფიკის გათვალისწინებით;
- ე) აქტივობების გაწერა ხორციელდება ფსიქოლოგებთან და კარიერის დაგეგმვისა და პროფესიული ორიენტაციის სპეციალისტთან თანამშრომლობით.

3.2. დარგობრივი ექსპერტის (კონდიტერის მიმართულებით) თანამდებობაზე კონკურსი გამოცხადდეს 1 ადგილზე.

3.3. კონკურსის შედეგად დარგობრივი ექსპერტის (კონდიტერის მიმართულებით) თანამდებობაზე შერჩეულ პირთან გაფორმდეს შრომითი ხელშეკრულება ცენტრის დირექტორის მიერ გადაწყვეტილების მიღებიდან 2017 წლის 17 აპრილის ჩათვლით წარმოშობილ შრომით ურთიერთობებზე და ამ ვადის განმავლობაში მისი შრომის ანაზღაურება განისაზღვროს 650 ლარის ოდენობით.

4. ზოგადი განათლების ექსპერტის (მეცნიერება და ტექნოლოგიები - ქიმია, მოქალაქეობა, მეწარმეობა), მონიტორინგისა და შეფასების ექსპერტის, დარგობრივი ექსპერტის (კონდიტერის მიმართულებით) თანამდებობებზე გამოცხადებულ კონკურსში მონაწილე კანდიდატებმა ცენტრის ოფიციალურ ელექტრონულ ფოსტაზე, info@eqe.ge, აუცილებლად უნდა გამოაგზავნონ.

- ა) განათლების დამადასტურებელი დოკუმენტის ასლი;
- ბ) ავტობიოგრაფია - (CV) ქართულ ენაზე;
- გ) პირადობის დამადასტურებელი დოკუმენტის ასლი.

5. კონკურსი ჩატარდეს 2 ეტაპად:

- ა) განცხადებების გადარჩევა;
- ბ) გასაუბრება.

6. დაევალოს ცენტრის ადამიანური რესურსების სამმართველოს ცენტრის ოფიციალური ვებგვერდის, www.eqe.ge, მეშვეობით კონკურსის გამოცხადების უზრუნველყოფა.

7. დაევალოს საქმისწარმოების სამმართველოს ამ ბრძანების დაინტერესებულ მხარეთათვის გაცნობა და ამ ბრძანების ცენტრის ოფიციალურ ვებგვერდზე, www.eqe.ge, გამოქვეყნების უზრუნველყოფა.

8. ბრძანება შეიძლება გასაჩივრდეს ქ. თბილისის საქალაქო სასამართლოს ადმინისტრაციულ საქმეთა კოლეგიაში (მის.: ქ. თბილისი, დავით აღმაშენებლის ხეივანი, 12 კმ., №6) კანონმდებლობით დადგენილ ვადაში და წესით.

დირექტორი

